

# Мон вамышъяй Горд карлудэти!



Пичи Пурга ёросысь Пуро гуртысь йоно солдат А. Пиккулев.

Алексей ПИКУЛЕВ

**Кылем арын 9-тй Мае мон нырысьсэ, рос-прос телевизор азе прусьсыса, кутсконысьныз пумозяз учки Вормонлы сйзем парадэз. Тодыса, лэся: гужем армие мыноно луоз.**

Соку мыным туж яразы ВДВ-ос, малы ке шуоно соос шоры ваньзы данъяськыса учко, десантникъёс армийн котьку вал «элита». Но эшшо но золгес мон синмаски морской пехотинецъёслы. Мыным соку туж кельшиз соослэн сьбд дйсьсы, китель улын - тельняшка, сьбд беретлэн урдэсказ - якорен горд флажок. Армие морской пехотасе сюрныны мылкыды кылдйз, эшшо тодй: соос зарезысь но, инбамысь но десантироваться карисько.

Но, малпай мон, элитае сюрныны туж ик капчи өвёл. Соин ик та «льоль малпанъёсме» вунэтно - служить кароно ини отын ик, кытчы келялозы. Нош келязы монэ - марлы мон туж пайми но шумпотй - Новосибирскысь ГРУ-лэн спецназэслэн дышетон центра. Татын ик выльй военной училище вань, отын офицеръёсты дасяло. Жыны ар дышетскыны туж секыт вал, но мон кызы ке чидай. Дыр вуиз мукет часте выжыны.

«Учебкаын» дасямзы бере милемыз келяны кулэ вал спецназ бригадаосы, нош кинлы оз удалты - огшоры батальонъёсы но бригадаосы. Мон пумозяз тодытэк улй: кытчы монэ келялозы. Тани ротаысь кылимы 6 адыми, малпай вал ни, Новосибирске ик кельтозы шуыса. Но келязы милемыз, ротаысь 3 ады-

миез, Балтийскысь морской пехоталэн 336-тй бригадаяз! Мон туж шумпотй, службае туж тунсыко пөрме шуыса. Татчы вуэме бере тодй на, чапак та бригада 9-тй Мае Вормонлы сйзем парадэ пырыське шуыса, сое ик мон телевизор пыр 2016-тй арын 9-тй Мае адзиськем вылэм. Нош 2017-тй арын 9-тй Мае мыным аслым кылдйз ортчыны Горд площадетй.

Тулыспалэ быдэс бригадаысь 440 адыми люкасы - таос Москвае парадэ мынозы. Озыен, дасямын вал 2 строй, котькудаз 200 адыми, вöзаз - 20 запасной. Южтолэзе уйин ми лобзйим Звенигородэ. Мукет нуналысен ик кутскиз парадлы дасяськон. Нырысь вал туж секыт, висыны уси, температурае ялан жутске.

Каллен йөнатыськи, тренировкаослы дышпи. Арняяз 3 пол люкасыкылймы «Алабино» полигонэ. Отын ми адзйлим ни мукет войскоосты, техникаез, авиациез. Котькуд матрослэн вал одйг мылкыдыз - тренировкаосты келлятэк, висытэк, вань кужмысь тыршоно. «Ожмаськон» вал туж зол, нокинлэн но уг поты запасное кылемез. Нош таослы эшшо но секытгес йөтйз, малы ке шуоно Горд площадке, оло, уд но ортчы, нош дасяськоно ваньмыз кадь ик. Троссэ адымиосты воштйзы - кин висыны усиз, кинлэн кужмыз оз тырмы. Мон чидай, озы ик кыли 1-тй стройысь 6-тй шеренгась 9-тй колоннаын.

Вуиз кема возьмам 9-тй куартолэзь. Зэмзэ верано ке, парад ортчиз огшоры репетиция кадь. Куазь вал туж кезыт: Россилэн Президентэз вераскыны кут-

скыку, ми ваньмы дырекъяса сыйськом вал ини. Вöзам сыйлысь эшелэн куалекъянъяз медальёсыз ик жингыртылызы. Дыр вуиз трибуна азый ортчыны. Мыныкум мон кема ой малпаскы ни, кызы дышетйзы, озы ик ортчи: бур палась нылетй гадь шоры учконо, ангесэз жутано, пиньёсты адзыгыса, мыняно. Ваньзэ тае чакланъям Президент но, ветеранъёс шоры но учкыны вунэтыськем.

Озы ке но мылкыд верантэм пачыла, кукке тынэстыд бригададэ быдэс площадка тыр верало, тон данъяськыса ортчискод трибунаос вöзтй, тодыськод: тонэ адже быдэс дунне но гуртын телевизор пыр учко анай но атай.

Ортчим, тау Инмарлы, туж умой. Россилэн Президентэз но оборона министр бригадамьлэсь командирзэ пумиськыса ик зечкылалям, ушъялалям.

Эшшо паймытйз на - вань улчаосын, выжъёс вылын кузылы мында адымиос милемыз пумитазы, киосынызы понаса. Ми но соослы ваньзылы тоды перчаткаосынымы понамы, оркестренымы чоп кырзаса вöзтйзы орчмы. Калык милемыз пумитаз но келяз ожысь бертэм адымиосты яке тодмо артистъёсты кадь.

Парадэ пырыськеме понна монэ данъязы кык медален. Табере мон эшшо но зол шумпотйсько: службае туж умой ортче. Толэзь ортчыса, капчи мылкыдын берытско ни Удмуртие, вордйськем палъёсам.

## АНИМАЦИЯ

# Зэм-а чукча сюдэ нумырьёсыз?

Лариса ДМИТРИЕВА

**Нимысьтыз фин-угор анимацилы сйзем фестиваль ортчытйз «Лудорвай» музей. Татчы вуылызы Эстониясь но Коми шаерысь тунсыко куноос, тодматйзы асьсэ ужъёсынызы.**

Фестивалез усътыз «Лудорвай» музейлэн кивалтйсь Татьяна Шкляева. Солэн верамезъя, тае ужрад сярсы малпанэз кылдйз Тартуысь Йёскалык музейе вуылэмез бере. Бурдяз сое та музейын ик ужась удмурт кышномурт Светлана Карм.

Светлана ачиз но вуиз фестивалез, тодматйз

эстон музейлэн проектэныз, кудйз лопкытйз асьмелэнъёсты фин-угор анимациез вöлмытон борды бастйськыны. Кемалась өвёл Тартуын Йёскалык музейлэн бадзым выль юртэз усътыськиз. Нимысьтыз фин-угор экспозицилы шуыса музей дасяз «Эхо Урала» проект: мультипликаторъёсын валче кылдытйз фин-угор калыкъёслэн выжыкыльёсыя анимационной фильмъёс. Табере музейе лыктэм мурт, кыче ке фин-угор калыкы сйзем экспозициен тодматскыкуз, одно ик учкоз фольклор легендая вакчи фильм. Тйни озы комиослэн, поръёслэн, вепсьёс-

лэн но Россиян улйсь мукет фин-угор калыкъёслэн выжыкыльёсыя но легендаоссыя эстон музейщикъёс 9 анимационной фильм дасязы.

Россиясь фин-угор музейёс но бастйськызы экспозициоссы понна нимысьтыз мультфильмъёс кылдытон борды. Та сярсы ик мадиз Коми Элькунысь Йёскалык музейысь Светлана Бандура. Та музей 2012-тй арысен рос-прос ужа коми калыклэн өнеръёсызлы сйзем мультфильмъёс бордын.

Фестивальлэн тужгес но тунсыко люкетэз вал быдэс дуннелы тодмо луэм эстон мультипликаторен Прийт Тендерен тодматскон.

П. Тендер тунсыкъяське Сибьрын улйсь выжы калыкъёсын но соослэн выжыкыльёсынызы. Европаын вордйськем муртэз вашкала сюжетъёс паймыто но абдрато, соин эшшо но золгес бордазы кыско. П. Тендер вераз, чукчаослэн нумырьёсыз сюдысь адыми сярсы мифсыя анимационной фильм кылдытэмез бере со юри ветлэм чукчаос дйне фильмзэ возьматыны, соослэн улэм-вылэменызы тодматскем. П. Тендерлэн верамезъя, чукчаослы ужез кельшем, озыен, эстон мультипликатор вашкала калыклэсь дунне шоры учконзэ возьматыны быгатэм.

Фестивальлэн кыкетй люкетэз конкурсэ ыстэм ужъёслы сйземын вал. 30-лэсь ятыр фильмъёсты учкыз жюри. Вормисьёс пöлын - егит удмурт мультипликаторлэн Сергей Сидоровлэн «Муржол Undergraund-Udmurt Kach Ach Ach» анимационной клипез. Жаль, фестивалын калыкез трос ой вал. Фестивалез радъсьсёс шуизы, гужем куспын пöртэм ужрадъёс дыръя возьматыны тыршо-зы та мультфильмъёсты. Вуоно арын фин-угор анимацилы сйзем фестиваль азыланьтыськоз.